

欽定八旗通志卷二百十五

人物志九十五

忠義傳七

滿洲八旗七

康熙十五年至十六年共一百五十二人

愛圖

愛圖滿洲鑲黃旗人姓勒第氏世居黑龍江康熙
十三年以前鋒校隨定遠平寇大將軍安親王岳
樂征逆藩吳三桂有功十五年復從征至長沙府

擊賊歿于陣

賞卹如例

納星額

納星額滿洲鑲黃旗人署護軍校康熙十三年隨
順承郡王勒爾錦征逆藩吳三桂十五年六月至
湖廣永興擊賊陣亡

賞卹如例

圖福納

圖福納滿洲鑲黃旗人署護軍校康熙十五年從
征南將軍穆占擊吳逆僞將馬寶胡國柱等於永
興戰歿

賞卹如例

幽德赫

幽德赫滿洲鑲黃旗人姓葛濟勒氏世居綏分以
佐領駐防荊州康熙十五年總督李之芳平南將
軍賴塔會同奉命大將軍和碩康親王傑書進剿

衢州幽德赫從事行間敗賊馬九玉於大溪灘等處進取江山縣力戰歿于陣

恩賜雲騎尉世職

承襲詳見世職表

瓦爾達

瓦爾達滿洲鑲黃旗人姓瓜勒佳氏世居哈達地方任前鋒叅領順治二年隨大兵出征浙閩至柘竹擊敗僞都司何楚儒賊衆千餘康熙十五年隨副都統瑪哈達攻建陽復擊敗僞王總兵賊衆三

千餘至城門力戰死

恩賜雲騎尉世職

承襲詳見世職表

英格

英格滿洲鑲黃旗人姓鈕祜祿氏世居長白山任三等侍衛康熙十三年出鎮宣府十五年從征陝西至洪城黃河岸擊賊歿于陣

賞卹如例

赫西根

赫西根滿洲鑲黃旗人姓覺羅氏世居

盛京康熙十五年以驍騎校從寧海將軍富喇塔征
耿逆於浙江至太平山與賊力戰歿于陣

恩賜雲騎尉世職

奉襲詳見
世職表

阿岱

阿岱滿洲鑲黃旗人姓布爾哈齊氏世居烏魯特
地方順治十五年以雲騎尉從征雲南貴州至魯
噶偽晉王李定國率衆拒敵阿岱隨大兵進擊連

敗之康熙十五年隨安遠靖寇大將軍貝勒尙善
征逆藩吳三桂至湖廣岳州賊將吳應麒柯鐸高
起龍廖進忠等率兵四萬餘拒戰奮擊陣亡

恩賜雲騎尉世職

承襲詳見
世職表

邁圖

邁圖滿洲鑲黃旗人姓富察氏世居納殷初任七
品官康熙十三年王師征逆藩吳三桂邁圖從征
至湖廣興國州陳朱二姓賊首率衆六千餘於江

西鄙陽湖之岔口村十五里拒戰邁圖率本叅領
兵隨大軍敗之又敗賊渠陳留音朱重仁等於鄱
陽湖之艾影山又擊賊三百餘艘於鄱陽湖之瀨
口敗其衆十五年從定遠平寇大將軍安親王岳
樂擊吳逆偽將軍夏國相李良棟等於袁州萍鄉
縣東之來龍山中創陣亡

恩賜雲騎尉世職

承襲詳見
世職表

倭赫

倭赫滿洲鑲黃旗人康熙十五年以雲騎尉隨寧
海將軍富喇塔平南將軍賴塔等征福建至海澄
海寇僞將軍劉國軒方煽亂倭赫率兵力戰陣亡

恩賜騎都尉世職

承襲詳見
世職表

富喀

富喀滿洲鑲黃旗人任前鋒校康熙十五年隨康
親王傑書征福建海寇鄭成功與賊將劉國軒力
戰陣亡

賞卹如例

額宜圖

額宜圖滿洲鑲黃旗人姓勒忒氏世居黑龍江任
前鋒校康熙十四年從征逆藩耿精忠於江西僞
伯樂燦踞宜黃挑濠拒戰同侍郎舒恕擊敗之十
五年隨安親王岳樂征逆藩吳三桂至湖廣長沙
力戰歿於陣

恩賜雲騎尉世職

承襲詳見
世職表

依蘇

依蘇滿洲鑲黃旗人姓伊爾根覺羅氏世居松阿
里烏喇地方康熙十六年吳逆僞將軍馬雄董仲
民率賊兵犯廣東依蘇以七品官隨大兵擊賊於
電白縣陣亡

恩賜雲騎尉世職

承襲詳見
世職表

巴特瑪

巴特瑪滿洲鑲黃旗人姓龔吉爾氏世居額魯特

地方初任佐領康熙十三年逆藩耿精忠之僞將
羅都督率賊萬餘來犯江南績溪縣巴特瑪隨江
寧將軍額楚擊却之又敗賊於洞庭橋進至馳臺
嶺追擊賊兵於休寧縣之新嶺尋從大兵勦江西
饒州府擊賊兵於樂平縣段家村雲起峯等處至
鄱陽湖賊將率五千餘人乘船三百餘艘來犯我
軍復擊敗之又敗僞都督兵於石頭街河岸僞總
督姜德洪率賊五萬餘於弋陽縣修立木城以拒

我師復連結偽總兵柯勝等五千餘賊倚爲聲勢
巴特瑪挺身躍戰力破其壘克復弋陽至貴溪又
敗僞總兵郭先張文孝等賊於艾山西行至吉安
復敗賊三千餘人十六年踰大庾嶺進攻廣東韶
州府擊賊帥馬寶胡國柱於蓮花山中傷陣亡

恩賜雲騎尉世職

承襲詳見
世職表

陰達渾

陰達渾滿洲鑲黃旗人姓喜塔臘氏世居尼雅滿

山地方由前鋒校從征雲南有功授雲騎尉康熙
十六年隨征南將軍穆占征湖廣與偽將軍馬寶
力戰於巖山嶺陣亡

恩賜騎都尉世職

承襲詳見
世職表

瑪海

瑪海滿洲鑲黃旗人姓章佳氏世居扎魯特地方
任驍騎校部委叅領康熙十六年隨征南將軍穆
占征逆藩吳三桂至湖廣永興之巖山嶺擊偽將

軍馬寶胡國柱等力戰陣亡

賞卹如例

四格色

四格色滿洲鑲黃旗人姓兆佳氏世居穆呼任驍
騎校署副叅領從江寧將軍額楚征逆藩吳三桂
康熙十六年於江西吉安擊賊陣亡

恩賜雲騎尉世職

承襲詳見
世職表

覺羅郭和里

覺羅郭和里滿洲鑲黃旗人康熙十五年以委署
叅領隨定遠平寇大將軍安親王岳樂征逆藩吳
三桂十六年二月至長沙擊其僞總兵于瀏陽陣
亡

賞卹如例

騰克

騰克滿洲鑲黃旗人康熙十三年以驍騎校從征
逆藩吳三桂十六年隨江寧將軍額楚於廣東詔

州蓮花山與偽將軍馬寶力戰陣亡

恩賜雲騎尉世職

承襲詳見
世職表

花色

花色滿洲鑲黃旗人姓薩馬拉氏世居寧古塔地方康熙十五年以驍騎校隨撫遠大將軍圖海征叛逆王輔臣十六年進征逆藩吳三桂至四川保寧蟠龍山擊賊陣亡

恩賜雲騎尉世職

承襲詳見
世職表